



Broj: 05/7-39-1-178-59/20

Sarajevo, 27. 5. 2020.

Z A P I S N I K

59. sjednice Vijeća nacionalnih manjina BiH,

održane 27. 5. 2020.

Sjednica Vijeća nacionalnih manjina BiH počela je u 15 sati.

Sjednicom je predsjedavao Andrija Svatok, predsjedavajući Vijeća nacionalnih manjina BiH.

Sjednici su prisustvovali: Tihomir Knežiček, Davor Ebner, Jovanka Manzalović-Šalaka, Velibor Kuvač, Dragan Marković, Todorka Jovanović, Silvija Vujović, Nedžad Jusić, Tijana Vučurević, Marija Grbić, Hakan Varan, Eva Pašić-Juhas, Mladen Radmilović, Halil Bicaj, Jakob Finci, Dejan Piotrovski i Vjeročka Gajić.

Sjednici su, također, prisustvovali: Želimir Lalić, šef Odsjeka za zaštitu prava i saradnju s nacionalnim i drugim manjinama, vjerskim zajednicama i NVO-ima, Aida Kreho, sekretar Zajedničke komisije za ljudska prava, Branislava Vignjević, stručna savjetnica u Zajedničkoj komisiji za ljudska prava, i Enra Soldin iz Sektora za odnose s javnošću Parlamentarne skupštine BiH.

Članovi Vijeća nacionalnih manjina BiH jednoglasno su usvojili sljedeći

D N E V N I R E D

1. Usvajanje Zapisnika 58. sjednice Vijeća nacionalnih manjina BiH;
2. Verifikacija imenovanja člana Vijeća nacionalnih manjina BiH u članstvo Interresorne radne grupe za izradu Akcionog plana za uključivanje/inkluziju Roma u BiH 2021-2025;

3. Razmatranje prijedloga o izmjeni Poslovnika Vijeća nacionalnih manjina BiH, predlagatelj: Velibor Kuvač;
4. Zahtjev za dostavljanje informacija o pruženoj pomoći nacionalnim manjinama s posebnim fokusom na romsku nacionalnu manjinu u vrijeme pandemije izazvane koronavirusom COVID-19;
5. Odgovor Inspektorata Općine Centar Sarajevo na dopis broj: 05/7-39-1-155-54/19 od 13. 12. 2019;
6. Tekuća pitanja.

Ad. 1. Usvajanje Zapisnika 58. sjednice Vijeća nacionalnih manjina BiH

Predsjedavajući Vijeća nacionalnih manjina BiH Andrija Svatok otvorio je raspravu o ovoj tački dnevnog reda. S obzirom na to da nije bilo zainteresiranih za raspravu, pristupilo se glasanju te je Zapisnik 58. sjednice **jednoglasno usvojen**.

Ad. 2. Verifikacija imenovanja člana Vijeća nacionalnih manjina BiH u članstvo Interresorne radne grupe za izradu Akcionog plana za uključivanje/inkluziju Roma u BiH 2021-2025.

Predsjedavajući Vijeća nacionalnih manjina BiH Andrija Svatok otvorio je raspravu o ovoj tački dnevnog reda. Nije bilo zainteresiranih za raspravu. Članovi Vijeća **jednoglasno su** u ime Vijeća nacionalnih manjina BiH imenovali Nedžada Jusića u članstvo Interresorne radne grupe za izradu Akcionog plana za uključivanje/inkluziju Roma u BiH 2021-2025.

Ad. 3. Razmatranje prijedloga o izmjeni Poslovnika Vijeća nacionalnih manjina BiH, predlagatelj: Velibor Kuvač

Predsjedavajući Vijeća nacionalnih manjina BiH Andrija Svatok otvorio je raspravu o ovoj tački dnevnog reda. U raspravi su učestvovali: Velibor Kuvač, Jovanka Manzalović-Šalaka, Mladen Radmilović, Nedžad Jusić i Aida Kreho, sekretar Zajedničke komisije za ljudska prava. Članovi Vijeća **jednoglasno su usvojili** zaključak da će se pristupiti izradi novog poslovnika koji bi se uputio u daljnju proceduru.

Ad. 4. Zahtjev za dostavljanje informacija o pruženoj pomoći nacionalnim manjinama s posebnim fokusom na romsku nacionalnu manjinu u vrijeme pandemije izazvane koronavirusom COVID-19

Predsjedavajući Vijeća nacionalnih manjina BiH Andrija Svatok otvorio je raspravu. U raspravi su učestvovali: Nedžad Jusić, Mladen Radmilović, Eva Pašić-Juhas i Želimir Lalić.

Nakon rasprave, članovi Vijeća **jednoglasno su usvojili zaključak** da se od Ministarstva za ljudska prava i izbjeglice BiH i Crvenog križa Bosne i Hercegovine zatraži informacija o pomoći koja je pružena pripadnicima nacionalnih manjina u vrijeme trajanja pandemije izazvane koronavirusom, s posebnim naglaskom na romsku nacionalnu manjinu, kao i informaciju o planiranim aktivnostima za naredni period.

Ad. 5. Odgovor Inspektorata Općine Centar Sarajevo na dopis broj: 05/7-39-1-155-54/19 od 13. 12. 2019.

Članovi Vijeća **jednoglasno su primili k znanju** odgovor Inspektorata Općine Centar Sarajevo na dopis broj: 05/7-39-1-155-54/19 od 13. 12. 2019.

Ad. 6. Tekuća pitanja

Članovi Vijeća odlučili su da Jakob Finci prisustvuje sjednici Doma naroda Parlamentarne skupštine BiH na kojoj će se razmatrati Izvještaj o radu Vijeća nacionalnih manjina BiH za 2018. i 2019. godinu

Također je odlučeno da se članovi Vijeća sastanu s članovima Zajedničke komisije za ljudska prava kao i s ministrom za ljudska prava i izbjeglice BiH kako bi se dogovorili o budućoj saradnji.

Sjednica Vijeća nacionalnih manjina BiH završena je u 15.45 sati.

Stručna savjetnica

Branislava Vignjević

Predsjedavajući

Vijeća nacionalnih manjina BiH

Andrija Svatok